

Uuliamik ujarlernerq avatangiisillu

Uuliamik Kitaani mingutsitsisoqassagaluarpat sillimanissamut tunngavissat pitsaanerulissasut

All. Kirsten Rydahl

Uuliamik ujarlernermut atatillugu mingutsitsisoqassagaluarpat qanoq periuseqarnissamut uuliasiortut oqartussaasullu pilersaarusiornerminni atorpaat Miljøatlas, Kitaani avatangiisit pillugit paasissutissanik Danmarkimi avatangiisik misissuisoqarfiup DMU-p ujarlerriffissaa. Pilersaarusiornermut taama ittumut atussallugu Atlasi ajunngivissoq paasinarsimmat ujarlerriffissap imarisai suli amerlanerulersinniarneqalerput.

Ujarlerriffissaq Miljøatlas Internetimi takuneqarsinnaasunngorlugi DMU-p siorna ikkuppaa. Miljøatlassiornerup siunertarivaa uuliamik mingutsitsisoqassagaluarpat pisuussutit suut eqqorneqarsinnaanerit pillugu ataatsimoortumik ujarlerriffissaqarsinnaanera, inernalu atorlugi qanoq iliornissamut siumoortumik nalilersuissaminut uuliasiortut oqartussaasullu periarfissaqalerput.


Miljøatlassiimiippu paasissutissat sukumiisut uumasunut, sinerissap qanoq ittuuneranut, silaannaap qanoq ittuuneranut, immap qanoq ittuuneranut, piniarnermut, aalisarnermut itsarsuarnitsanullu tunngasut. Sinerissamit 18.000 km-terisut

isorartutigusumit katersukkat paasissutissat ilisimatuut paasiniaanerinit aammalu aalisartut piniartullu apersorneqarnerinit pisarsiaapput, taakkulu tamarmik ilisimatuunit qarasaasialerisunillu qarasaasiamut immiussuunneqarput kortinullu digitalinut nuunneqarlutik. Uuliamik mingutsitsisoqassagaluarpat tamatumu pinggortitamut inuiaqatigiinnullu qanoq sunniuteqarnissaanut pingaaruteqarlunnaarput sinerissami pineqartumi pinggortitap immini, silaannaap uumassusillillu anner-tuumik assigiinngissuseqarnerat. Taamaammata sumiiffiit ataasiakkaat mingutsitsisoqassagaluarpat qanoq sunnerneqassanersut ilanngullugu ilisimatuunit nalilersorneqarpoq.

Atlassimi pioreersumi pineqarpoq sineriak avannarpasissutisip 62-p 68-illu akornanniittoq, sumiiffilli pineqartoq annertunerulissaaq avannarpasissutisip 60-p 72-llu akornanniittoq ilanngunneqassamat. Sumiiffiit ilanngunneqartusar pillugit tamaani najugaqartut ilisimasaannik katersineq ilisimatusarfimmi ilinniartup Sara Olsvigip qaammat juni isumagissavaa. Sumiiffiit ilanngunneqartut qanoq ittuunerisa nassuiamissaannut nalilersornissaannullu paasissutissat katersorneqartut ilisimatusarnikkut paasisanut pigeriikkanut ilaliullugit atorneqassapput. Atuisut peqataatinnerisigut paasissutissanillu katersuiffiit assersuunneqarsinnaasut allat atorneqartut ujarlerriffissaq Miljøatlas ineriartorteqqinneqassaaq.

Suliami pineqartumi DMU-p suleqatigai: Danmarkimi nunatsinnilu ujarassioqarfiit, Pinggortitaleriffik, Københavnip Universitetia, Nunatta Katersugaasivia Allagaateqarfialu aammalu silasiorfik, DMI. Suliaq aningaasalerneqarpoq Danceamit Namminersornerullutillu Oqartussanit.

❗ Ilisimatoq ingerlatseqqittoq
Anders Mosbech, amo@dmu.dk



Kitaani avatangiisit pillugit paasissutissanik ujarlerriffissaq Miljøatlas annertusineqassaaq sineriak 35.000 km-terisut isorartutigisigut sammineqartussangormat. Uuliamik mingutsitsisoqassagaluarpat aalisakka, timmisat uumasullu allat immikkut illersortariallit suunersut pillugit paasissutissat ujarlerriffissamiittut uuliasiortunit oqartussaasunillu atorneqarput.

DMUNyt, ukiuisa tallimaat nr. 2

Naqiteriffsisoq: Danmarkimi Avatangiisik Misissuisoqarfik
Avatangiisunut Ministeriaqarfik
Frederiksborgvej 399, Postboks 358
DK-4000 Roskilde
Tlf: +45 4630 1200, Fax: +45 4630 1114
e-post: dmu@dmu.dk
www.dmu.dk

Akisussaalluni aaqqissuisoq:
Henrik Sandbech

Aaqqissuisoq: Jens C. Pedersen

Nutserineq: Sofia Geisler

Ilusilersuisut: DMU/Grafisk Værksted,
Roskilde

